

Bisogna fare la spesa secondo l'entrata

De dèbiti se ne parla spesso, in tute le case, spece co i ciari de luna de sti ani. La pora zente la ga da pagare i sui e, par so-ra, anca quei del paron de la fàbrica, de la banca, del governo, e 'vanti de sto passo.

Quela de sto proverbio la pare na racomandazion cussì scontà che la fa parfin fastidio: *"Come, voto ca no lo sapia che no posso spèndare depi de quelo ca cato in busta paga?"* Eh, se la fusse cussi fàzile no servirà la sajeza de i nostri noni...

Go messo in vetrina sto proverbio proprio parché a vivemo so na stajon indove che dapartuto – la television, l'aradio, i manifesti par le strade, parfin calche ministro – i ne ùstega parché spendemo le quattro palanche ca ghemo in scarsela, suà lao-rando. E i ne mete anca in crisi, parché pare che, solo s'a spendenmo tutto, l'economia la girerà par ben...

I ne dise de cronparse la television, grande, che se vede mèjo, che po' te la paghi co còmodo fra siè misi, a rate, còmode anca que-le. E ste rate le se zontarà a quele de la cusina, che anca quela la ghe vole moderna, e de la machina, che la toa xe vecia e la inquin...

No i ne dise che le rate le se mucia e che bisogna pagarle, co tanto de intaressei cari, che senò i te magna la casa.

Norestachela nostra testa: tegnémola sole spale, che el so posto el xe lì, e rasonemoco quella, no col a testa de chi che ga da vèndare.

Inparemo a memoria sto bel proverbio, vecio ma... nuovo, come tuti i proverbi, da resto. Basta solo no 'assarse convinza-re de 'vere bisogno de fare spese senza schei.

Quando che Dio vole castigare on omo, el ghe mete in testa de maridarse

Queste le xe sabie móbile, ma mi me ghe càcio instesso, a costo de barufare co calchedun(a).

Lezendo sta massima, pararía che la decision de maridarse la vegnesse da l'Alto, ma za qua ghe sarà da discutare. A ogni modo, el déo so la piaga el xe messo e cussì se va 'vanti col di-scorsò.

La piaga? Eh, ghe xe tanti òmani che la considera na piaga, maridarse (sarà sposarse, parché la xe la fémena che se marida...). Che in tanti casi el sia on castigo par l'omo no 'l xe on mistero. Ghe xe de le vipare vestie e trucà da dona, tute sorisi, ociadine, basiti, almanco fin al dì de le nozze.

El dì dopo, a volte prima oncora che finissa la luna de miele, sparisse el vestito e salta fora la vîpara, che la ghe dà on mor-segon al pòvaro omo e la lo invelena, par tuta la vita. Le "cro-nache" le parla sempre de la violenza so le done (na maledi-sion, sicuro!) e mai de le pene de l'inferno che patisse calche omo bon, intortejà da na vîpara sempre invelenà. Anca questa xe na maledission! Quelo che me fa pensare sora sto proverbio xe che ste robe ghe càpita anca a chi che no ghe crede in Dio che, alora, xe fàzile che no 'l ghe entra gnente co la decision de maridarse.

La vera costion la xe che l'omo no 'l xe bon e no 'l pole stare senza fémena, ghe mancaria na feta de vita, na còstola... Eh, za, la storia de la còstola! Forse l'omo ghe tien a maridarse pro-prio par recuperare la so còstola!